

LE FIDEL
DOMESTIQUE
A MONSEIGNEVR
LE DVC
D'ORLEANS.
SVR LES AFFAIRES
de ce Temps.



A PARIS,
De l'Imprimerie de NICOLAS IACQVARD, rue
Chartiere, près le Puits Certain, au Treillis vert.

M. DC. XLVIII.

LE FIDEL
DOMESTIQUE
A MONSIEUR
LE DUC
D'ORLEANS
SUR SES AFFAIRES
de ce temps



A PARIS,
chez NICOLAS JACQUARD, au
Cabinet de la Bibliothèque du Roi,
M. D. C. C. L. V. III.



LE FIDEL
DOMESTIQUE
A MONSEIGNEVR
LE DVC D'ORLEANS,
Sur les affaires de ce temps.



ONSEIGNEVR,

La renommée qui publie plû-
toft les mauuaises nouvelles que
les bonnes , n'a pas manqué de
faire ſçavoir dans noſtre Province l'attentat
qu'on avoit commis en la perſonne du Roy, &
le deſſein qu'on avoit de perdre la Capitale du

Royaume. Je n'ay pas plûtost appris ce changement que ie suis monté à Cheual pour me rendre auprès de uostre personne, & assurer Vostre Altesse Royale de mes respects & de mes obeïssances; j'ay esté descendre à uostre Palais selon ma coutume, & au lieu de cette grande multitude dont il estoit toujours assiégué, ie n'y ay treuvé que la solitude & le silence. l'advoué, MONSEIGNEVR, que j'ay esté beaucoup surpris, estant uenu avec le dessein de uous servir contre les ennemis de l'Estat & du repos public, & que ie ne croyois pas que V. A. R. eût changé les bons sentimens qu'elle avoit pour la premiere Compagnie du Royaume, apres l'honneur que uous leur aviés fait de les asseurer de vostre bien-veillance, apres le discours que ie uous ay entendu prononcer dans cét auguste Senat que uous leur donniés uostre Foy, qu'il ne se feroit rien que dans la sincerité, que uous n'aviés jamais manqué de parolle au moindre du monde, que uous ne commenceriés pas par leurs Compagnies que uous estimiés particulièrement. Que peut-on dire donc dans l'estat present des affaires, puisque cét jllustre Corps que uous taschés aujourd'huy d'opprimer n'a point manqué au respect qu'il doit à uostre naissance & à uostre merite; sinon que celuy qui étoit payé pour uous faire tenir ce langage; a encore

core receu vne nouvelle paye pour uous faire
 oublier (où plûtoſt pour uous faire rompre vne
 parole) que uous aviez donnée avec tant de
 franchise. Permettez-moy (MONSEIGNEVR)
 puisqu'aussi bien ie ne puis obtenir un passe-port
 pour uous aller treuver que ie uous diſe naïfue-
 ment mes ſentimens; quelle opinion uoulés-
 vous laiſſer à la poſterité de V. A. R., uoulés-vous
 qu'on écriue qu'un homme de baſſe extraction,
 & encore de plus mauuaife uie, ait uiolenté uos
 inclinations & ait eu plus de force ſur voſtre ef-
 prit que Madame la Duchefſe voſtre chere Ef-
 pouſe; perſonne n'ignore les efforts qu'elle fit afin
 que uous n'abandonnaſſiés pas Paris, & que vo-
 ſtre eſprit qui eſt naturellement adonné à la dou-
 ceur ſembloit eſtre fléchy par de ſi juſtes & ſi puis-
 ſantes prieres: Mais l'Abbé de la Riuere ne uous
 eut pas plûtoſt abordé que uous priſtes la réſolu-
 tion de partir, & ſouffriſtes que tout malade que
 uous étiez on uous arrachapt de voſtre liét avec
 uiolence, pour uous faire partir à heure indue, de
 peur que voſtre V. A. R. ne recogneut les mau-
 uais deſſeins de celuy qui uous donnoit de ſi mau-
 uais Conſeils. Toute la France ſçait que ce trai-
 ſtre ternit toutes uos belles actions, qu'il leur oſte
 leurs luſtres, & que ſi voſtre perſonne auoit un
 pris, ce qui ne peut eſtre, il n'y a homme au mon-
 de qui en peut dire la juſte ualeur comme luy,
 uous ayant tant de fois mis à l'encan. Pour re-

compence de ses services il ueult estre Cardinal, il aura touïours la migraine si on ne luy donne un Chappeau, & pour luy imprimer une bonne teinture, il ueult à l'imitation du Cardinal de Richelieu qu'il soit trempé dans le sang de deux millions de François. C'est pour ce sujet qu'il mit il y a trois mois la discorde entre V. A. R. & Mr. le Prince, & c'est pour la mesme cause qu'il uous a conseillé de quitter Paris, parce que le Cardinal Mazarin l'assure que son affaire est faicte partant qu'il ait le pouvoir de uous attirer à son party. Que la France seroit heureuse, si uous luy abandonniés ces deux mauuais démons; elle meneroit apres tant de tourmens une vie si douce & si tranquille, que son bonheur seroit envié de tous les Peuples de la terre. Considérez Monseigneur que uous feriez vne action dont on parleroit tant que nostre Monarchie subsisteroit, c'est à dire, iusqu'à la fin des siecles, que vous éteindriez le feu qui va embraser toute la Frâce, & que vous seul maintiendriez le Royaume de nostre ieune Monarque, qui est sur le poinct d'vn estrange reuolution. Prenez la peine de faire reflexion sur l'estat present des affaires: Regardez en quelle confusion est la Prouence, l'on a saisi les Galeres, on s'est assuré de la personne de Monsieur le Gouverneur: en sorte que l'Espagnol profitant de nos diuisions peut venir raulager toute cette belle Prouince. La Picardie a pris les armes, on a

tiré les garnisons des villes frontieres, & on sera contraint, si on n'y donne ordre, d'ouurir les portes à tout ce qui se presentera. La Normandie embrasse leur party, & tous ses peuples se joignent avec eux pour demander raison des voleries & des violences que l'on a exercé enuers le public & le particulier. Les Religionnaires font vn tiers party, & tous ces malheurs n'arriuent que parce que l'on protege cinq ou six marauts qui ne nous tourmenteroient pas à present s'ils auoient esté chastiez dès la premiere fois qu'ils l'ont merité. Il me semble, MONSEIGNEVR, que toutes ces raisons sont assez considerables pour y penser meurement, que le mal est assez pressant pour y vouloir apporter du remede, & que si on n'y donne ordre de bonne heure, il est à craindre que la gangrene ne gagne les parties nobles de l'Estat. On n'a garde de dire à V. A. R. toutes ces veritez, ny que Paris a encore des viures pour plus de quatre mois quand il n'y entreiroit aucune prouision. L'Abbé de la Riuiere qui esloigne d'auprés de vostre personne tous ceux qu'il voit auoir affection pour leur Patrie, s'empesche bien de vous tenir ces discours, il vous presente qu'il y va de vostre jnterest de maintenir l'autorité Royale, & de chastier le Parlement, qui a dessein de se saisir de la personne du Roy, & qu'il s'entend avec les ennemis de l'Estat. Nous esperons, MONSEIGNEVR, que Dieu vous fe-

ra connoistre vn iour le zele qu'ils ont pour la
conseruation du Royaume, & le respect qu'ils
portent à vostre personne toute Royale; ils vous
demandent que vous leur liuriez ce meschant
pour estre conduit aux pied des Tribunaux, &
y entendre l'Arrest de sa iuste condamnation:
C'est le souhait de tous les François, & de moy
particulierement qui ay fait vœu de viure &
mourir,

MONSEIGNEVR,

De vostre Altesse

Le tres-humble, tres-obeïssant,
& tres-oblige seruiteur I. L.